

Guangjisi Minzcu Bau

ganhhau: CN45-0036 B.2016 Nd.11 Ng.23 liggaueq bingsaen nienz ndwencib ngeihseiq

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3250期

Lingzyinz Gyavaiq Yamqdin Doicaenh Nungzyez Daihneix Canjyezva Hwngfat

凌云加快推进现代农业产业化发展进程

Gaenh geij bi daeuj, Lingzyinz Yenveij, Yen Yinzminz Cwngfuj genhciz dawz nungzyez canjyezva dangguh gij baenghgaug hwngfat nungzyez daihneix, demlai bouxguhnaz souhauej, doenggvaq dajcauh nungzyez, linzyez, doenghduz hwngfat sifan gihdi, roengzsim gungganq doxgaiq reihnaz binjbaiz, gungganq bangfuz nungzyez gyauejlunz giyez, conhyez hozcoz ginghci cujci hwngfat daengj, gyavaiq yamqdin doicaenh nungzyez daihneix canjyezva hwngfat.

Aen yienh neix genhciz dawz gij canjnieb miz daegsaek dangguh hangh canloz yinvu hungnaek ndeu, youq mwh yiemzgek baujhoh gihbwnj reihnaz, baujmaenh haeuxgwn

ancienz, doengzseiz roengzrenz dajcauh nungzyez, linzyez, doenghduz hwngfat sifan gihdi, gyavaiq doicaenh mbawcaz, youzcaz, nonsei daengj 3 aen 10 fanh moux canjlieng sang sifan gihdi hwnjguh, caeuq vaiz, yiengz, douq, duznouhaet daengj sifangih hwnjguh. Roengzrenz dajcauh "it yangh it yiengh, it mbanj it nieb" gunghcwngz, rengzrwd coicaenh moix aen yanghcin aeu miz aen 200-400 moux doxhwnj baenz benq sifan gihdi ndeu, gyalai daegsaek nungzyez, linzyez, doenghduz canjbinj gveihmoz, youhva nungzyez, linzyez, doenghduz canjbinj gezgou, cauxbaenz "yanghyangh miz canjnieb, mbanjmbanj miz diemjrongh" canjnieb

hwngfat gwzgziz moq. Linghvaih, lij roengzrenz saedhengz nungzyez canjyezva "gyauejlunz gunghcwngz" caeuq "bouxdaiqdaeuz lajmbanj gunghcwngz", haengrenz bangfuz nungzyez, linzyez, doenghduz gyauejlunz giyez caeuq bouxguhnaz conhyez hozcoz cujci, gungganq buek vnz bouxfucwz gihcwngz dangj cujci, bouxguhnaz gisuzyenz, dajndaem dajciengx lauxsouj daengj lajmbanj bienqfouq bouxdaiqdaeuz ndeu, roengzrenz daezsang gij hawciengz rengzdoxceng caeuq gyonjgyoeb yauqik "yanghyangh miz canjnieb, mbanjmbanj miz diemjrongh" canjnieb neix.

(Vangz Binh/黄斌)



Lungzswng: Hag Din-fwngz Cienz Feihyiz

龙胜:学技艺 传非遗

11 nyied 19 hauh, Lungzswng Gak Cuz Swciyen gaiq daeuz aenban son'gyauq dinfwngz labnyumx ndangdaenj Yauzcuz(Hungzyauz) haiban, aen ban neix iucingj Suz Giuzmei bouxswncienz daihyauysing swcigih gaep feihyiz hanghmoeg(ndangdaenj Yauzcuz) aen yienh neix daeuj "fwngz gaem fwngz" sonhag, 40 lai boux mehmbwk Hungzyauz daj Lungzcin Cin, Swsuij Yangh aen yienh neix daeuj haenx camgya baez son'gyauq guh aen singhiz ndeu neix.

Gaenh bi neix daeuj, aen yienh neix vwnzva bumwnz doenggvaq vatcimh caeuq gungganq bouxswncienz daihyauysing ndangdaenj siujsoq minzcuz, haiguh son'gyauq hagsib labnyumx caeuq dajsiuq daengj banhfap, gyalai baujhoh caeuq swncienz vwnzva ndangdaenj minzcuz. Ndaw doz dwg Suz Giuzmei son'gyauq mehmbwk Hungzyauz hag dinfwngz labnyumx.

(Banh Cisiengz/潘志祥)

Cingsih: Siujsoq Minzcuz Hanghmoeg Bangrenz Vut Gungz Gunggeng

靖西:少数民族项目助力脱贫攻坚

Gaenh bi neix daeuj, Cingsih Si netsaed gaem ndei siujsoq minzcuz hwngfat ngaenzcienz hanghmoeg hwnjguh, laebdaeb haeuylag doicaenh hong hwng gapgyaiq fouq beksingq hengzdoengh, bangrex gyauejvunz haemq noix siujsoq minzcuz hwngfat, cietsaed gajgez gij hojnanz saedceij swngheanj vunzlai gizdieg siujsoq minzcuz, cienzmienh bangrenz vut gungz gunggeng.

Ciuq cam rox, bineix aen si neix anbaiz siujsoq minzcuz hwngfat ngaenzcienz giekdaej sezsih hanghmoeg gungh 50 aen, gungh bued roengz 1882 fanh maenz ngaenz, faen

2 buekbaez guh hwnjguh. Dangqnaiz buek daih'it hanghmoeg gaenq haihong, bued roengz 1616 fanh maenz ngaenz, anbaiz hanghmoeg 35 aen. Buek daihngaih bued roengz 266 fanh maenz ngaenz, hanghmoeg cingq saedhengz dajveh caeuq yawhsuenq, gujsuenq youq nienzdaej gonq haihong. Ciuq dungicouz cinghab sawjyung siujsoq minzcuz hwngfat ngaenzcienz gunghcoz iugouz, giethab "cibsam haj" geizgan hong minzcuz cungdenj yinvu, hanghmoeg cujyau anbaiz gij mbanjungzhoj caeuq mbanjguhyienh minzcuz doxgiet, hwnjguh loihhingz dwg roenloh aenmbanj hwnjguh,

daemzraemx lohmieng dwk raemxnaz, minzcuz vwnzva hozdungsiz, dajndongj roenloh ndaw mbanj daengj aenmbanj giekdaej sezsih, gizdieg hwnjguh faenbuh youq daengx si 19 aen yanghcin 44 aen hingzcwngcunh.

Hanghmoeg hwnjguh baenz doeklaeng, yaek gajgez gij gungzhoj vwndiz daegbied gungzhoj siujsoq minzcuz diegcomzyouq, gizdieg gapgyaiq, gizdieg minzcuz gyauejvunz haemq noix caeuq aenmbanj siujsoq minzcuz miz daegsaek aen si neix, vih hong vut gungz gunggeng aen si neix gya veh mbat bit ronghsag he.

(Yangz Boz/杨博)

SIUSIK DINJ

简讯

● "Cibsam haj" geizgan, Sanhgyangh Dungcu Swciyen baengh gij ranz Dungcu, minzsuz gofoux, suencaz byasang daengj swhyenz, saedhengz "fouq beksingq hwng lijyouz" hengzdoengh dajveh, coicaenh vwnzva lijyouz canjnieb vaiqriengj hwngfat. Bineix 1 daengz 10 nyied, daengx yienh gungh dakdaih hekyouz 630.4 fanh vunzbaez, saedyienh lijyouz gwnzbiengz cunghsouhauej 38.4 ik maenz, doengzbeij faenbied demlai 49% caeuq 50%.

(Vangz Yaubangh)

● Siengcouh Yen haeuylag haiguh hong gvnsim daihlaeng, daj bi 2013 daeuj, Siengcouh Yen vih gajgez hagseng minzcuz diegyae hwnj hag hoj vwndiz, bued roengz 41.8 fanh maenz ngaenz, saedhengz hong hagseng naengh ci boujdiep, hagseng yanghcin ngoenzsinghiz dauq ranz seiz, hawj cidaehhek ciensienq doengjit ciepsongq mbouj aeu cienz, neix gawq gemjmbaeu gij mbaqrapp ndaw ranz, youh hawj hagseng gak minzcuz ancienz dauq ranz, bohme cuengqsim.

(Liu Bwnjvei)

● Gunghcwngz Yauzcuz Swciyen laebdin giindei swhyenz, gaem ndei daegsaek canjnieb, cungfaen fatok densangh bingzdaiz doidoengh cozyung, gyauejlunz giyez caeuq nungzyez hozcoz cujci daiqdoengh cozyung, bouxvunz gohgi sonyinx cozyung, lajmbanj bouxak daiqdaeuz baenz fouq cozyung, diuhdoengh gij gaenxmaenxsingq caeuq rengzcauxguh vunzlai, vih hong vut gungz gunggeng dwkroengz giekdaej maenhndei.

(Liengz Veih Yangz Gunh)

● Ningzmingz Yen dwg daengx guek haeuxgwn swngheanj senhcin yienh. Bineix buenq bi laeng, gyoengq bouxguhnaz aen yienh neix haengrenz hwngfat dajndaem miuzlaeng caetliengh ndei cabgyau neix, daengx yienh dajndaem miuzlaeng mienhcik daengz 11 fanh moux. Seizneix daengx yienh miuzlaeng ndaej fungsou, gujsuenq ndaej haeux daengz 4.5 fanh dun.

(Couh Yizangh Banh Sin'an)